

vocári Apóstolus, quóniam per-
secútus sum Ecclésiám Dei. Grá-
tia autem Dei sum id quod sum,
et grátia ejus in me vácuá non
fuit.

R. **br.** Nimis honoráti sunt *
Amíci tui, Deus. Nimis. **ŷ.** Nimis
confortátus est principátus eó-
rum. Amíci. **G**lória Patri. Nimis.
ŷ. Annuntiavérunt ópera Dei.
R. Et facta ejus intellexérunt.

IN II. VESPERIS.

Añæ et Psalmi ut in ij. Vesp-
ris Apost. (31) Capitulum et reli-
qua ut in j. Vesperis in ecclesia
propria.

Deinde fit com. S. Petri. Post-
ea diei Octavæ S. Joannis, ut in
j. Vesperis festi. In Ecclesia S.
Pauli, Vesperæ dicuntur eodem
modo ut supra.

COMMUNE SANCTORUM.

COMMUNE APOSTOLORUM.

IN I. VESPERIS.

Añæ. Hoc est præcéptum meum,
* ut diligátis invicem, sicut di-
léxi vos.

Psalmus 109.

DIXIT Dóminus Dómino meo : *
Sede a dextris meis :

Donec ponam inimícos tuos, *
scabéllum pedum tuórum.

Virgam virtútis tuæ emíttet
Dóminus ex Sion : * domináre
in médio inimicórum tuórum.

Tecum princípium in die vir-
tútis tuæ in splendóribus sanctó-
rum : * ex útero ante lucíferum
génui te.

Jurávit Dóminus, et non pœ-
nitébit eum : * Tu es sacérdos in
ætérnum secúndum órđinem
Melchisedech.

Dóminus a dextris tuis, * con-
frégit in die iræ suæ reges.

Judicabit in nationibus, implebit ruinas : * conquassabit capita in terra multorum.

De torrente in via bibet : * propterea exaltabit caput.

Añã. Hoc est præceptum meum, ut diligatis invicem, sicut dilexi vos.

Añã. Majorem charitatem * nemo habet, ut animam suam ponat quis pro amicis suis.

Psalmus 110.

CONFITEBOR tibi Domine in toto corde meo : * in consilio justorum, et congregatione.

Magna opera Domini : * exquisita in omnes voluntates ejus.

Confessio et magnificentia opus ejus : * et justitia ejus manet in sæculum sæculi.

Memoriam fecit mirabilium suorum, misericors et miserator Dominus : * escam dedit timentibus se.

Memor erit in sæculum testamenti sui : * virtutem operum

suorum annuntiabit populo suo :

Ut det illis hereditatem gentium : * opera manuum ejus veritas, et iudicium.

Fidelia omnia mandata ejus : confirmata in sæculum sæculi, * facta in veritate et æquitate.

Redemptionem misit populo suo : * mandavit in æternum testamentum suum.

Sanctum, et terribile nomen ejus : * initium sapientie timor Domini.

Intellectus bonus omnibus facientibus eum : * laudatio ejus manet in sæculum sæculi.

Añã. Majorem charitatem nemo habet, ut animam suam ponat quis pro amicis suis.

Añã. Vos amici mei estis, * si feceritis quae precipio vobis, dicit Dominus.

Psalmus 111.

BEATUS vir, qui timet Dominum : * in mandatis ejus volet nimis.

Potens in terra erit semen ejus.
* generatio rectorum benedicetur:
Glória, et divitiæ in domo
ejus : * et justitia ejus manet in
sæculum sæculi.

Exortum est in tenebris lumen
rectis : * misericors, et miserator,
et justus.

Jucundus homo qui miseretur
et commodat, disponet sermones
suos in iudicio, * quia in æternum
non commovebitur.

In memoria æterna erit justus :
* ab auditione mala non timebit.

Paratum cor ejus sperare in
Dómino, confirmatum est cor
ejus : * non commovebitur donec
despiciat inimicos suos.

Dispersit, dedit pauperibus :
justitia ejus manet in sæculum
sæculi, * cornu ejus exaltabitur
in glória.

Peccator videbit, et irascetur,
dentibus suis fremet et tabescet :
* desiderium peccatorum peribit.

Añã. Vos amici mei estis, si
feceritis quæ præcipio vobis, di-
cit Dóminus.

Añã. Beati pacifici, * beati
mundo corde : quoniam ipsi
Deum videbunt.

Psalmus 112.

LAUDATE pueri Dóminum : *
laudate nomen Dómini.

Sit nomen Dómini benedi-
ctum, * ex hoc nunc, et usque in
sæculum.

A solis ortu usque ad occa-
sum, * laudabile nomen Dómini.

Excelsus super omnes gentes
Dóminus, * et super cœlos glória
ejus.

Quis sicut Dóminus Deus no-
ster, qui in altis habitat, * et hu-
milia respicit in cœlo et in ter-
ra ?

Suscitans a terra inopem, * et
de stercore erigens pauperem :

Ut collocet eum cum principibus,
* cum principibus populi sui.

Qui habitare facit sterilem in

domo, * matrem filiorum lætāntem.

Añā. Beāti pacífici, beāti mundo corde : quóniam ipsi Deum vidébunt.

Añā. In paciéntia vestra * possidébitis ánimas vestras.

Psalmus 116.

LAUDATE Dóminum, omnes gentes : * laudáte eum omnes populi.

Quóniam confirmáta est super nos misericórdia ejus : * et veritas Dómini manet in ætérnum.

Añā. In paciéntia vestra possidébitis ánimas vestras.

Capitulum. Ephes. 2. d.

FRATRÉS : Jam non estis hóspites, et ádvenæ : sed estis cives sanctórum, et doméstici Dei : superædicáti super fundaméntum Apostolorum et prophetárum, ipso summo angulári lápide Christo Jesu. *R.* Deo grátias.

Hymnus.

EXSULTET orbis gáudiis :
Cœlum resúltet láudibus :

Apostolorum glóriam
Tellus, et astra concinunt.

Vos sæculórum Júdices,
Et vera mundi lúmina :

Votis precámur córdium,
Audíte voces súpplicum.

Qui templa cœli cláuditis,
Serásque verbo sólvitis,

Nos a reátu nóxios
Solvi jubéte, quæsumus.

Præcépta quorum prótinus
Languor, salúsque séntiunt,

Sanáte mentes lánguidas,
Augéte nos virtútibus.

Ut, cum redíbit Arbiter
In fine Christus sæculi,

Nos sempitérni gáudii
Concédat esse cómpotes :

Patri, simúlque Filio,
Tibíque, sancte Spíritus,

Sicut fuit, sit júgiter
Sæclum per omne glória.

Amen.

(8) *Commune Apostolorum. Matut.*

Ꝙ. In omnem terram exiit sonus eorum. **Ꝟ.** Et in fines orbis terræ verba eorum.

Ad Magnificat, Añā. Tradent enim vos in conciliis, et in synagogis suis flagellabunt vos, et ante reges et præsides ducemini propter me in testimonium illis, et gentibus.

Oratio propria.

AD MATUTINUM.

Invitatorium. Regem Apostolorum Dominum, * Venite, adoremus. **Ps.** Venite, exultemus. 31.

Hymnus.

ATERNA Christi mûnera,
Apostolorum glóriam,
Palmas, et hymnos debitos
Lætis canamus mentibus.

Ecclésiárum Príncipes,
Belli triumpháles Duces,
Cœléstis aulæ milites,
Et vera mundi lúmina.

Devóta Sanctórum Fides,
Invícta Spes credéntium,
Perfécta Christi Cháritas

Commune Apostolorum. I. Noct. (9)

Mundi tyránnum cónterit.

In his Patérna glória,
In his triúmphant Fílius,
In his volúntas Spíritus,
Cœlum replétur gáudio.

Patri, simúlque Fílio,
Tibíque, sancte Spíritus,
Sicut fuit, sit júgiter
Sæclum per omne glória.

Amen.

In primo Nocturno.

Añā. In omnem terram * exiit sonus eorum, et in fines orbis terræ verba eorum.

Psalmus 18.

CÆLI enarrant glóriam Dei, * et
Cõpera mánuum ejus annúnciat
firmaméntum.

Dies diéi erúctat verbum, * et
nox nocti indicat sciéntiam.

Non sunt loquélæ neque sermões,
* quorum non audiántur
voces eorum.

In omnem terram exiit sonus eorum : * et in fines orbis terræ verba eorum.

(10) *Commune Apostolorum, I. Noct.*

In sole pósuit tabernáculum suum : * et ipse tamquam sponsus procedens de thálamo suo.

Exsultávit ut gigas ad curréndam viam : * a summo cœlo egressio ejus.

Et occûrsus ejus usque ad summum ejus : * nec est qui se abscondat a calóre ejus.

Lex Dómini immaculáta convertens ánimas : * testimónium Dómini fidéle, sapiéntiam præstans párvulis.

Justítiæ Dómini rectæ lætificántes corda : * præcéptum Dómini lúcidum, illúminans óculos.

Timor Dómini sanctus, pérmans in sæculum sæculi : * judícia Dómini vera, justificáta in semetípse.

Desiderabilia super aurum et lápidem pretiósium multum : * et dulcióra super mel et favum.

Etenim servus tuus custódit ea : * in custodiéndis illis retribútio multa.

Commune Apostolorum, I. Noct. (11)

Delicta quis intélligit ? ab ocúltis meis munda me : * et ab aliénis parce servo tuo.

Si mei non fúerint domináti, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditátio cordis mei in conspéctu tuo semper.

Dómine, adjútor meus, * et redemptor meus.

Añã. In omnem terram exívit sonus eórum, et in fines orbis terræ verba eórum.

Añã. Clamavérunt justí, * et Dóminus exaudivit eos.

Psalmus 33.

BENEDICAM Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuétí, et læténtur.

Magnificáte Dóminum mecum, * et exaltémus nomen ejus in idípsum.

Exquisívi Dóminum, et exaudivit me : * et ex ómnibus tribulatióibus meis erípuit me.

Accédite ad eum, et illuminámini : * et fácies vestræ non confundéntur.

Iste pauper clamávit, et Dóminus exaudivit eum : * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : * et erípiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum, omnes sancti ejus : * quóniam non est inópia timéntibus eum.

Dívites eguérunt et esuriérunt : * inquiréntes autem Dóminum non minuéntur omni bono.

Veníte, filii, audíte me : * timórem Dómini docébo vos.

Quis est homo qui vult vitam : * díligit dies vidére bonos ?

Próhibe linguam tuam a malo : * et lábia tua ne loquántur dolum.

Divértea malo, et fac bonum : * inquiré pacem, et perséquere eam.

Oculi Dómini super justos : * et aures ejus in preces eórum.

Vultus autem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex ómnibus tribulatióibus eórum liberávit eos.

Juxta est Dóminus iis qui tribuláto sunt corde : * et húmiles spírítu salvábit.

Multæ tribulatiónes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum, delínquent.

Rédimet Dóminus ánimas servórum suórum : * et non delínquent omnes, qui sperant in eo.

Añã. Clamavérunt justí, et Dóminus exaudívit eos.

Añã. Constitúes eos príncipes * super omnem terram : mémores erunt nóminis tui, Dómine.

Psalmus 44.

ERUCTAVIT COR MEUM VERBUM bonum : * dico ego ópera mea Regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffúsa est grátia in lábiis tuis : * proptérea benedíxit te Deus in ætérnum.

Accíngere gládio tuo super femur tuum, * potentíssime.

Spécie tua et pulchritúdine tua * inténde, próspere procéde, et regna.

Propter veritátem, et mansue-

túdinem, et justítiam : * et dedúcet te mirabíliter dextera tua.

Sagíttæ tuæ acútæ, pópli sub te cadent : * in corda inimicórum regis.

Sedes tua, Deus, in sæculum sæculi : * virga directiónis virga regni tui.

Dilexísti justítiam, et odísti iniquitátem : * proptérea unxit te Deus, Deus tuus óleo lætítiae præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex quibus delectavérunt te filiae regum in honóre tuo.

Astitit regína a dextris tuis in vestítu deauráto : * circúmdata varietáte.

Audi, filia, et vide, et inclína aurem tuam : * et oblivíscere pópulum tuum, et domum patris tui.

Et concupíscet Rex decórem tuum : * quóniam ipse est Dóminus Deus tuus, et adorábunt eum.

Et filia Tyri in muneribus *
vultum tuum deprecabuntur :
omnes divites plebis.

Omnis gloria ejus filiae Regis
ab intus, * in limbris aureis
circumamicta varietatibus.

Adducuntur Regi virgines post
eam : * proxima ejus afferentur
tibi.

Afferentur in laetitia et exul-
tatione, * adducuntur in templum
Regis.

Pro patribus tuis nati sunt tibi
filii : * constitues eos principes
super omnem terram.

Memores erunt nominis tui : *
in omni generatione et genera-
tionem.

Propterea populi confitebun-
tur tibi in aeternum : * et in sae-
culum saeculi.

Añã. Constitues eos princi-
pes super omnem terram : me-
mores erunt nominis tui, Dó-
mine.

ŷ. In omnem terram exivit so-

nus eorum. *ŷ.* Et in fines orbis
terrae verba eorum.

Pater noster.

ŷ. j. Ecce ego mitto vos sicut
oves in medio luporum, dicit Dó-
minus : * Estote ergo prudentes
sicut serpentes, et simplices sic-
ut columbae. *ŷ.* Dum lucem ha-
betis, credite in lucem, ut filii
lucis sitis. Estote.

ŷ. ij. Tollite jugum meum su-
per vos, dicit Dóminus, et discite
a me, quia mitis sum, et humilis
corde : * Jugum enim meum sua-
ve est, et onus meum leve. *ŷ.* Et
invenietis requiem animabus ve-
stris. Jugum.

ŷ. iij. Dum steteritis ante re-
ges et praesides, nolite cogitare
quomodo, aut quid loquamini :
* Dabitur enim vobis in illa hora
quid loquamini. *ŷ.* Non enim vos
estis qui loquamini : sed Spiritus
Patris vestri, qui loquitur in vo-
bis. Dabitur. *Glória Patri. Dabi-*
tur.